

Surat khabar: Utusan Sarawak ( Sada Sarawak )

Hari/Tarikh: 28/9/2013

Muka surat: S1

Tajuk : KDN Meri Sukung Ngemansangka JPAM.

# KDN meri sukung ngemansangka JPAM



PENGGI NUAN ... Wan Junaidi Tuanku Jaafar nyuaka setipikit ngagai Kapt Bersekutu (PA) Anisah Marais (kanan) rambau bejadi Kor Siswa Siswi Pertahanan Awam UNIMAS. • NORDIN MD DIAH

**KOTA SAMARAHAN :** Opis Menteri Dalam Negeri (KDN) deka bebendar ngemerat sereta ngemansangka Opis Penyaga Mensia Mayuh Malaysia (JPAM) ba menua tu setiap enggau tuju penumbuh opis nya.

Sapit Menteri Dalam Negeri Datuk Dr Wan Junaidi Tuanku Jaafar madah, JPAM ngembuan tanggung pengawa ke pemadu beguna dalam nyaga pengelikun ngagai mensia mayuh kelebih agi lebuh menua tu dituntung sebarang penusah ke enda disadang.

Iya madah, ba Sarawak JPAM deka dikerembaika ngagai menua-menua ba bandar besai enggau ba pelilih menua laban negeri tu chukup besai.

"Tanggungjawap raban JPAM

chukup besai amat laban suah amat udah nulung orang ke kena tuntung penusah baka bot karam ke kala nyadi ba Kapit apin lama ke udah, kelimpah ari nya, penusah ke nyadi ba Genting Highland apin lama ke udah," ku iya.

Iya madah munyi nya lebuh ke dirandau media pengudah bejadi Kor Siswa Siswi Pertahanan Awam (SISPA) Universiti Malaysia Sarawak(UNIMAS) ditu kemari (Hari Lima).

Iya madah, dikena terus ngeringka JPAM, opis menteri mega deka ngangkatka agi perengka ke dikena raban JPAM dikena nge-muntangka sida nulung orang ke tusah.

"Tu endang nitihka atur 'Lau-

tan Biru Kebangsaan 'ngambika JPAM ulih meri servis ke pemadu manah ngagai mensia mayuh," ku iya.

Iya madah, penau JPAM mega beberika agi laban ke mujur narit lebih kurang 100,000 iku kaban JPAM ke enda begahi ninting taun.

"Sepengelama ke udah ditumbuh JPAM udah ngaga pelin ke meruan dikenai matih, ngajar sereta nempa genap iku rayat berasaj likun diau ba menua tu," ku iya.

Kaban Parliment Santubong nya mega madah, penumbuh SISPA ba palan pelajar tinggi perintah enggau swasta endang entara atur ke diambil dikena meransang baka kaban ke nadai

begaji kelebih agi bala nembiak.

"UNIMAS entara 38 universiti ke bisi numbuha SISPA, raban enda begaji SISPA ke dipasuk bala pelajar universiti lalu penyampau sida bisi 8,000 iku ba taun 2009 lalu kaban majak nam-bah ngagai 12,249 iku ba taun siti ke udah," ku iya.

SISPA UNIMAS udah bulih pemendar ditumbuhka kena 11 Jun 2013 sereta dipasuk 100 iku pelajar.

Bela bisi diatur ba nyerumba pengaromi nya pengawa meri tanda pangkat, nyuaka setipikit, nyadung pom SISPA UNIMAS, enggau meri setipikit tanda bansa ungkup operasi bot karam Belaga enggau operasi rumah angus ba Kampung Datu, Sibu.